

安陽縣志

石錄

嘉慶二十四年重刊

嘉慶二十四年重刊

石錄

安陽縣志



安陽縣金石錄目

卷一

起商至東魏 商金五種周金二種新莽金一種漢石四種後趙石二種東魏石三種

卷二

起北齊至隋 北齊石九種隋石四種魏齊無年代石六種

卷三

起唐貞觀至開元十五年

卷四

起開元二十四年至周顯德元年 唐石二十九種五代石二種

卷五

起宋咸平至熙寧六年

卷六

起熙寧七年至元祐八年

卷七

起紹聖元年至金明昌六年 宋石三十五種金碑五種

卷八

起元初至大德二年

卷九

起大德三年至至大二年

卷十

起延祐元年至後至元三年

安陽縣金石錄目

卷十一

起至元四年至至正四年七月

卷十二

起至正四年至十八年 元石刻四十八種金刻九種

安陽縣金石錄卷第一

偃師武虛谷先生著

安陽縣知縣鐵嶺貴 泰校梓




商

兄癸彝



丁子王錫爵兩
八丙申貝在寒用
作兄癸彝十九月
惟王九祀世昌

安陽縣金石錄卷一




丁子王錫爵兩
貝在寒用作兄
癸彝十九月惟
王九祀世昌

攷古圖右得於鄴高七寸腹徑三寸有奇口徑少差蓋底
皆有銘銘皆廿有六字

按河亶甲居相卽鄴郡其文又稱九祀爲商器無疑云兄
癸者商以兄弟相及之辭也故祀其先王或稱祖如祖丁
卣之類或稱父若父辛旅彝之類或稱兄若此彝之類商
人質無謚皆以甲乙記

祖乙卣



孫執刀作祖乙

蓋

寶尊彝



器同前

鐘鼎彝器欵識祖乙者河亶甲之子也孫象形而手執刀

安陽縣金石錄卷一

二

於祭饗未嘗不竭力從事以職其勞耳禮記云袒而割烹

義取諸此

張掄古器評先王之事親於羞濟則執鸞刀於舞則執干

戚凡於祭祀未嘗不親執其勞以示孝子竭力從事之意

此商之彝器所以多作子象以持刀者殆謂是歟祖乙則

河亶甲之子也

案尙書序祖乙圮於耿傳亶甲子圮於相遷於耿河水所

毀曰圮又資治通鑑綱目商王祖乙元祀圮於相徙都於

耿是祖乙居相而此器爲所作故雖不辨其所出亦當附

諸此也

足跡疊

亞中足跡



攷古圖右得於鄴高九寸八分徑九寸六分深七寸六分容六升二合有足跡文一

聞此器在涇水之濱夏甲墓傍得之司尊彝祭祀裸皆有夔獻皆有尊酢皆有壘彝爲上尊壘金下尊上者宜小下者宜大此器形制與師媿彝略相似而容受加大蓋壘屬也詩云我姑酌彼金壘壘亦用金也環頸之文與後所圖獸環細文三壺相似或以爲象山形謂之山壘然比之中朝事尊之頸文則彼之山形著此不甚似也但其文極

安陽縣金石錄卷一

三

細物象頗多中有右足跡又圈之與主父已足跡彝相似語在本篇

商乙毛鼎

乙毛



博古圖右高五寸五分耳高一寸二分闊一寸三分深三寸六分口徑五寸二分腹徑五寸五分容二升二合重三觔七兩三足銘二字曰毛者言薦饗之物凡澗谿沼泄之毛蘋蘩蘊藻之菜蓋亦無所不用故昔人謂五蔬不熟曰饑則蔬於飲食間所不可後是鼎蓋毛羹之用於是以毛

目之曰乙者商之有天乙祖乙小乙武乙太丁之子乙今
銘乙則太丁之子然腹有蟬紋脰飾饗養間之雲雷亦以
貪者懲也然則昔人遠取諸物良有旨哉

攷古圖右得於鄴郡冝甲城高五寸八分深三寸七分徑
五寸二分容二升銘二字

案鼎銘乙下一字不可識考其形制文字及所從得蓋商
器也



戊

攷古圖右得於鄴郡漳河之濱高五寸有半深三寸四分

安陽縣金石錄卷一

四

徑四寸有半容二升一合銘一字

案鼎銘一字奇古不可識亦商器也愚謂銘字疑作戊蓋

乙鼎庚之屬

冝甲城觚

廣川書跋始余得冝甲城觚其高八寸四分容一升考其
制蓋古所謂觶也又得李氏觚高一尺一分其容六合無
壇字廉隅其足爲四象考其制則觚也梓人曰爵一升觚
三升獻以爵而酬以觚一獻而三酬則爲一升禮家於此
疑矣考於古器無有合也昔韓嬰謂一升曰爵二升曰觚
三升曰觶四升曰榼如此則觚定二升觶定三升古者權
量三不當今之一則其容六合李氏之觚是也若冝甲城

所得校之周量三升有奇則當爲觶矣傳曰觶之爲觶者以有觶也今匱甲器無觶與觶得以觶名矣昔鄭氏謂梓人之觶字當爲觶觶與觶同制則其言是也禮器制度曰觶大二升觶大三升饋食禮主人洗爵獻長兄弟於阼階上長兄弟洗觶爲加爵則觶倍於爵其實當一升古之論者盡如此余是以知梓人之書誤也

周鷄彝



棋鷄父單

安陽縣金石錄卷一

五

右彝以建初尺度之高七寸濶九寸餘深五寸獸雙耳腹用直紋底作棋子格藏安陽某氏已失其蓋惟底有識古文由凡四字卽棋字古從省象形字周官司尊彝春祠夏禴禘用鷄彝鳥彝注鷄彝鳥彝謂刻而畫之爲鷄鳳凰之形疏案尙書云鳴鳥之不聞彼鳴鳥是鳳凰則此鳥亦是鳳凰故云畫鷄鳳凰之形也蓋鄭賈皆以彝器刻畫作鷄今證之此識是鑄於彝之腹底非外爲其飾疑康成未睹斯製殆以意度之潛邱劄記云魏太和中魯郡於地中得齊大夫子尾送女器有犧尊純爲牛形王肅以證其羽婆婆然說非是賈永嘉賊曹疑於青州發齊景公冢得犧象二樽形爲牛象傳至梁劉杳以證象骨節尊

之說非然則此夔腹文作鷄形實足證明古禮器之模製
爲補鄭氏所未及審其功亦豈鮮哉卍爲父卍卽單單父
周卿士則此器爲周器宣和博古圖亦圖此器定爲周單
夔而形製不類又作旗鷄單三字亦未審中有父字是其
疎也然据所推證引叔向所謂周其再興乎其有單子也
故知單所以爲姓曰旗則穆公旗也其說可依鐘鼎款識
作鷄單夔亦未審得其實今易爲周鷄夔以正舊誤

周匕首

存無款識舊在安陽貨市今藏趙希璜衍齋




安陽縣金石錄卷一

右匕首長二尺一寸三分莖長三寸五分五分之二臘
廣一寸七分二十分之二十五身長一尺七寸七分二
分分之一嘉慶二年六月得之於鄴肆予同年嘉定錢獻
之云是周器其古器款識曰攷工記桃氏爲劍臘廣二寸
有半寸兩從半之以其臘廣爲之莖圍長倍之中其莖設
其後參分其臘廣去一以爲首廣而圍之身長五其莖長
重九銔謂之上制上土服之四其莖長重七銔謂之中制
中土服之三其莖長重五銔謂之下制下土服之註臘兩
刃也鄭司農云莖謂劍夾人所握鐔以上也康成謂莖在
夾中者莖長五寸鄭司農云中謂穿之也康成謂從中以
却稍大之也後大則於把易制首圍其徑一寸三分寸之

二上制長三尺重三觔十二兩中制長二尺五寸重二觔十四兩三分兩之二下制長二尺重二觔一兩三分兩之一此今之匕首也人各以其形貌大小帶之經注義並明皆但上制劍長三尺其臘二寸有半中制較短六分之一下制較短六分之二而臘莖首仍與上制等同未免於形制不符以例論之則劍身四其莖五其莖則臘首及莖亦隨身而遞降也此器得於乾隆庚戌八月以建初銅尺測之與記云云皆相準合又中其莖設其後注義雖明但世人未見器物究不能確切指証故賈公彥等疏於此注下溷而不言余謂中其莖者謂二分其莖而中作兩夾也夾者所以分夾四指上來容食指中夾容中指下來容無名

及小指二故下來稍長設其後鐔也大作鐔所以制把說文解字曰鐔劍鼻此其義又夾史記孟嘗君傳作銖云長銖歸來平楚詞帶長銖之陸離是有長銖者亦有短銖者長銖卽長劍上土用之者是也短銖卽短劍下土用之者是也三代之物留遺後世可以藉之証考經書其爲功不小惜我輩窳窮末由罔羅散逸事事辨明致使和弓兌戈埋沒於賈豎之手悲夫所謂恨古人不見我恨我不見古人者以此夫又攷康成云下制劍長二尺此是周尺非漢尺也康成就攷工記云云持論故爲此言如此器合建初尺爲長二尺一寸三分是漢尺此周尺較短六分又二分分之一矣卽此可以知周漢尺之殊

新莽泉范



案泉范以建初尺度之縱廣各三寸八分餘藏安陽某氏家新莽所製范也漢書食貨志王莽居攝變漢制以周錢有子母相權於是更造大錢此范式泉文與志合

安陽縣金石錄卷一

八

東漢

子孛殘碑

存八分書永初舊棄豐樂鎮西門君祠今移置孔廟

缺 允字孛孛於傳載 缺

缺 奚之難扶危翊放文

缺 載不隕以傳乎 缺

缺 个名書系倦是 缺

缺 事人犯而勿欺 缺

缺 履廣延漸士永初 缺

缺 小惠可不之聞是 缺

缺 庶閱悼遠近同哀載

缺 卹貴不朽之名故勒其

缺 散我漢道廓散伊何消

缺 生聖漢有莒有荆君

缺 名缺

右碑斷剥僅存文十一行字全者七十有六不全者有六

首行載允字子持不見其氏下言於傳載缺奚之難扶危

翊放此當表其上世故文云口載不隕以傳於缺是其義

也屬句者右書不倦犯而勿欺及廣延術士子持事跡略

可推見如斯然於廣延術士下有永初字似子持當永初

時有功績可紀聞行乃述遠近同哀則其卒之歲未必在

永初中矣銘詞口在聖漢有莒有荆攷孟子以遏徂莒詩

安陽縣金石錄卷一

九

皇矣作旅旅與莒同毛傳旅地名也疏言旅地名則毛意

以旅爲周地周此時在西莒固近周之地亦必在西漢永

初中西寇最甚者見於後漢書安帝本紀元年六月先零

種羗叛斷隴道大爲寇掠遣車騎將軍鄧騭征西校尉任

尙討之二年春正月車騎大將軍鄧騭爲種羗所敗於冀

西冬十月征西校尉任尙與先零羗戰於平襄尙軍敗績

十一月先零羗滇零稱天子於北地遂寇三輔東犯趙魏

南入益州殺漢中太守董炳三年春正月遣騎都尉任仁

討先零羗不利羗遂破沒臨洮四年三月先零羗寇襄中

五年二月先零羗寇河東遂至河內蓋積歲爲患播蕩西

州疑銘所謂莒指叛羗也及元初二年十二月武陵懷中

蠻叛州郡擊破之三年秋七月武陵蠻復叛州郡討平之
此卽銘云有荆然則子掙之沒蓋於元初後矣碑前云廣
延術士亦見永初元年詔文三月癸酉日有食之詔公卿
內外衆官郡國守相舉賢良方正有道術之士明政術達
古今能直言極諫者各一人又見五年令三公特進侯中
二千石二千石郡守諸侯相舉賢良方正有道術達於政
化能直言極諫之士各一人於時子掙必承詔以禮延之
備薦舉也又散我漢道敝卽補字碑石出土日爲妄人斷
毀又鑿其撇捺都失舊觀然盤拏倔強之趣故在也嘉慶
三年四月二十七日徐方于宣訪得之於豐樂鎮西門君
祠內輦歸移置縣孔廟戟門下裨埋土中久灰沙盤互字

安陽縣金石錄卷一

十

晝埴結果日剔治始見全文後人宜善護惜之

案此碑及劉君元孫正直碑凡大小五石同棄毀於西門
君祠當是土人之狡黠者侵種墳側荒田欲滅其跡而昇
置此間遂致極鑿至此碑爲古今著錄家未能收採竊度
斷石尙有埋沒土中者冀其精靈間世復出予亦拭好古
苦晚之淚也

劉君殘碑

存八分書舊砌西門君祠今移置孔廟

缺

一六五

缺
台秋博覽

缺

巾百人吟

缺 八更約身

缺 歸高四

缺 禾

缺 具屬止

缺 國之商兮簡口心凡火立

缺 丁為國火口口口口當

缺 以人去口口口口哀哉

缺 向歲兮口口口

安陽縣金石錄卷一

士

缺 歲在辛酉十一月十一 缺

右碑鑿斷穿孔龕置西門君祠大門左右作門闕縣吏添

仕麟借工拓宋馬需修祠碑於門側瞥見拓之以歸其一

石文凡六行全字十有三不全字有七又一石文五行全

字十九不全字有八前春秋字博覽字常百人字及簡口

口心民人去口字蓋有位而顯以澤於民者也國之商兮

商當是商字既稱為國商於漢為劉氏矣碑側歲在辛酉

三月十缺東漢辛酉凡三見明帝永平四年安帝建光元

年靈帝光和四年明帝太遠疑在安帝靈帝時也

案前跋既据國商定為劉君又依歲辛酉當屬安帝建光

元年或靈帝光和四年据後漢書劉梁本傳梁字曼山一

名岑

文士傳作一名恭

東平寧陽人也梁宗室子孫而少孤貧賣

書於市以自資常疾世多利交以邪曲相黨迺著破羣論時之覽者以爲仲尼作春秋亂臣知懼今此論之作俗士豈不愧心其文不存又著辨和同之論其辭大畧引春秋以諷世桓帝時舉孝廉除北新城長告縣人曰昔文翁在蜀道著巴漢庚桑瑣隸風移碑礪吾雖小宰猶有社稷苟赴期會理文墨豈本志乎迺更大作講舍延聚生徒數百人朝夕自往勸誠身執經卷試策殿最儒化大行此邑至後猶稱其教焉特召入拜尚書郎累遷爲野王令未行光和中病卒孫楨亦以文才知名楨字公幹與北海孔融山陽王粲北海徐幹廣陵陳琳陳留阮瑀汝南應瑒齊名號

安陽縣金石錄卷一

主

元孫碑

存八分書舊棄西門君祠外今移置孔廟

缺

遺子奉序ノ系三

缺

缺

一人

大兄元孫早終

缺

缺

間二子名重字元

缺

缺

百一子之缺

右碑棄置西門君廟塢田間徐方于偕柴望之景堂趙仲原啟尋出僅得遺字四行字全者十有四而已不全者十有三前云遺孤奉承字蓋述其家之式微故繼以大兄早終是為可哀也書之秀蘊當奉為神品

正直碑

存八分書舊棄西門君祠外今移置孔廟

缺 正直是也揚名於州里歟

缺 部職究由 口口希右守由

缺 為眾亦 口口口口且考為

缺 終非 口口口口口口年三

安陽縣金石錄卷一

七

缺 此咎 口口口口口口众喪麻

缺 悞悽 口口口口口口莫不

缺 絃六辭 口

缺 口女反言 缺

右碑字幾二寸餘中鑿大圓孔毀殘元文最多凡得字八行行中全字三十有四不全字十有三第一行正直是以詩小明作正直是與攷儀禮鄉射禮執弓各以其耦進注以猶與也今文以為與則詩所謂與者今文此碑所据古文也後文六辭曰集韻其古作六是碑足以證明古文字如此舊埋棄西門君祠外顏坊下康熙某年建坊毀為柱石今柱已折矣而碑猶存殘字若干古物淪毀自吾儕剔

治磨拭出之俾復光顯於世其亦有奇緣與此與子持殘
碑同日自方子得之故益可喜也碑無可題識卽以首行
正直字題曰正直碑

後趙

西門豹祠殿基記

佚

水經注漳水東逕西門豹祠前東側有碑隱起爲字祠堂
東頭石柱勒銘曰趙建武所修也

金石錄右趙西門豹祠殿基云趙建武六年歲在庚子秋
八月庚寅造西門豹祠殿基又云巧工司馬臣張由監作
吏臣杜波馬孫殿中司馬臣王基殿中都尉臣潘倪侍御

安陽縣金石錄卷一

函

史騎都尉臣劉誼左校令臣趙升殿中校尉臣顏零等監
其下刻物象甚多如土長強良碩章舒懷雀之類其名頗
異近歲臨淄縣人耕地得巧工司馬印遍尋史傳皆無此
官名不知爲何代物今乃見於此碑云

案古文巧作𠂔音考是巧讀若攷所云司馬卽攷工署之
官也又授堂金石文字跋尾再續有巧工中郎將龜紐銀
印土人得之用價售置藏於家可証巧工不獨有司馬也
鄴祠柱刻秦像銘

佚今見汝帖

銘云神能鑿口鸞鳳羣飛千秋萬歲宛轉岡頃鐵顛開山騰

龍能伯遮峙瞻儲

隸書

宋云大秦皇太子仰爲皇帝陛下暨中宮殿下鑿石彫金作像一身永資聖壽命中廢子臣蕭雍銘之 正書

康少山按此前秦太子苻宏爲其父堅母苟氏所刻也十

六國春秋云苻洪於建武中從石虎歸鄴家於永貴里堅

母苟氏嘗遊漳水祈子於西門豹祠歸而有孕十二月而

生堅有神光之異自天燭於庭此其發迹之地西門祠又

有高禱之祥宜其刻銘像於祠柱也又云永興元年 晉穆帝升

平元册母妃苟氏爲皇后世子宏爲皇太子則所稱中官

者苟氏所稱太子者宏也後十三年爲堅建元六年 晉帝奕太

和五十一月王猛始滅燕堅乃得有鄴地則鑿石刻銘當

在是時矣銘祠殊不可解似不止此二十八字以王宋刻

安陽縣金石錄卷一

五

汝帖止節取數字不顧文義東觀餘論已譏之不必強爲之解也惟此銘既摹入汝帖則宣和時其石尙存好古者訪而求之俾不銷蝕於叩火磨角之中亦大快事也

東魏

大留聖窟題字

存

題字在萬佛溝洞側正書大留聖窟四字又有八分書魏

武定四年歲在丙寅四月八日道憲法師造字大三寸餘

蓋紀佛洞起於道憲如此又有小字刻南無日光佛及口

德同石作匠人張岫到此造作故記字據靈裕法師傳石

刻稱道憑石堂疑其跡指此也

定國寺浮圖碑

佚

蓋聞兩儀交運萬物未生始自苦空終於常樂而緣障未開業塵猶滌漂淪欲海顛墜邪山雖復光華並於日月術數窮於天地有扶危定傾之力爲濟世夷難之功登蓬山而未歸遊建水而不反並馳於苦樂之境皆入於生死之門幽隱長夜未覩山北之燭沈迷遠路詎見司南之機昔曰先民雖云善誘尙習蓋纏未能解脫見如八卦成象示之以吉凶百藥爲醫道之以利害衣食有業民免饑寒之憂水土旣平人無墊弱之患斯誠事周於世用功濟於生民不論過去之因緣詎辨未來之果報惟無上大覺均悟元機應現託生方便開教聖靈之至無復等級威神之力不可思議動三乘之駕沉八解之流引諸子於火宅渡羣生於海嶼自一音輟響雙樹潛神智慧雖徂象法猶在光照金盤言留石室徧諸世界咸用歸仰

太平寰宇記東魏遷鄴高丞相以南臺爲定國寺作磚浮

圖極高其銘卽温子昇文

案碑久埋今據張天如所哀温侍讀集補增

韓陵山碑

佚

昔晉文尊周續宣於踐土齊桓霸世威著於召陵並道冠諸侯勳高天下衣裳會同之所兵車交合之處寂寞消沉荒涼

磨滅言談者空知其名遭遇者不識其地然則樹銅表跡刊石記功有道存焉可不尙歟永安之季數鍾百六天災流行人倫交喪爾朱氏旣絕彼天綱斷茲地紐祿去公室政出私門銅馬競馳金虎亂噬九嬰暴起十日並出破壁殞珪人物旣盡頭會箕歛杼軸其空大丞相渤海王命世作宰唯幾成務標格千仞崖岸萬里運鼎阿於襟抱納山嶽於胸懷擁元雲以上騰負青天而高引鐘鼓嘈噴上聞於天旌旗繽紛下盤於地壯士凜以爭先義夫憤而競起兵接刃於斯塲重錯敷於此地轟轟隱隱若轉石之墜高崖碾碾磕磕如激水之投深谷俄而霧卷雲除冰離葉散靡旗蔽日亂轍滿野楚師之敗於栢舉新兵之退自昆陽以此方之未可同日旣考茲

安陽縣金石錄卷一

沃壤建此精廬砥石礪金瑩珠琢玉經始等於佛功制作同於造化息心是歸淨行攸處神異畢臻靈仙總萃鳴玉鸞以來遊帶霓裳而至止翔鳳紛以相囀飛龍蜿而俱躍雖復高天銷於猛炭大地淪於積水固以傳之不朽終亦記此無忘寶刻叢編碑在安陽東北十七里東魏丞相高歡破爾朱兆兄弟於此山下仍立碑卽温子昇之詞

康少山按是碑歐趙氏及近人金石家皆不著錄其亾久矣子昇本傳亦不載立碑年月及書碑姓名今考北齊書神武紀歡破爾朱兄弟爲魏孝武永興元年閏三月則立碑亦當在是年北史温子昇傳稱其文章清婉與邢魏齊名文傳江外梁武謂曹植陸機復生北土而吐谷渾國主

牀頭並有子昇之文徐陵傳亦謂陵奉使過韓陵讀此碑
愛其才麗手自錄之南歸人問北朝人物陵曰惟韓陵一
片石耳其爲時所矜重如此今按此文殊不稱陵顏驥謝
含任吐沈之目文亦載文苑英華及張天如所集温侍讀
集

又按歡每有戰功卽刻石矜伐芒山碑見北史陳元康傳
并州定國寺碑見祖珽傳歡何足言獨怪唐人昭仁寺等
慈寺諸刻以太宗之英武而倣賀六渾所爲何其見之不
廣也

安陽縣金石錄卷第二

偃師武虛谷先生著

安陽縣知縣鐵嶺貴 秦校梓

北齊

西門君之碑頌

存八分書缺年月在縣城隍廟

自夫清剛儷以分宿沉濁判其□□□□□□貴為糸羅義粟

襄葛之年炎軒吳頊之□□□□□□瑞所聞蓋□□□□傳□□

□□周□□□合躡干國即缺蠟水震九州鑿割七雄□□

□□□國之君□好古之業□□□田□□□□□□橫

河內俟治鄴□□□缺子昌言而為任西門厲精而出宰□

安陽縣金石錄卷二

拒比周治申嚴察璽還□寤□□亡而□□馬班既別□彩

自□不省書缺積倉府戎車北首□南□□□臨事簪筆聽

神民吏不敢兩欺□巫老沉茲□波浪頡頏鄭密異術均美

缺首列城歸目於是生致尸祝之禮歿貽棠杜之恩雖□券

金書逝者不作而□壇表慕俎豆逾遠非□襄土缺子託葬

存稱惠王死曰明神所以季世經關風俗漸染恩福之祈咸

在□□□禱仍□非道郡國掾史實降□□缺蓋魏氏季季

日銷地反蜺不息□馬盈空□自金堂曩生玉室天示昭明

之證帝啓卽席之期我太祖獻武皇帝合制斗墨放□□□

剪兇駭於魏□□□喪於□□□軍□竭激崐崙之永翰玄

□□鏡□□缺增威一關□社再祠絕庸□□□□□□□□

通萬方□□五□□會知三□之未從想□□難□□

□□缺猶存式瞻祠宇雅□□□林椒□□□

□□□□言世宗文襄皇帝□□□□□□□□

□□□應物納□黎於□□□□□□□□□□

□□□缺瓏路荒蕪祀堂凋□□□□□□□□

□之芳□以丹□磨□□□□□□□□□□

□缺柳鯨螭旁□□□□□□□□獨邃□□□

□而宛草□□□□□□□□□□□□缺壘水

仙鳥鳴林□□□□□□歇尊神尚德□□□□絡

□□□□有歸□□□□□□□□□□皇上官府□物

□□□□□□稟賦靈性□□□□□□□□還灰燼

安陽縣金石錄卷二

樂反□□□□□□□□□□缺常沅蔽雲自卷仙琯協

律□缺迎神文櫺北□□□缺鳳鱗□□照光氣四舉葦秀

而□□□□□□□□□□缺牛於陰山風逸驥於桃塞捐

金抵玉未粟□□□致酒英傑□之顧以賢宰餘休聖□

□□□□□□缺宸鑿斯揆使持節驃騎大將軍開府

儀同三司司州□宗師清河王岳出應敵國入當樞□□

□□□□□□缺之一師執刺都輦標榜九牧馴禽餌□□

雨來風披席□□傾賢禮俊眷彼勛官投□□祀人□□

□□□缺晉崩離殊類竊假畏威仰德堅碑在□春煦□□

□超二百執徐之□□□褫豈□蒼精云啟□□□□

缺言僭迹掃地不遺委贄興王恭承□運幽明非遠意在斯

乎乃命□紀□□□□□昭晉神道□□□□□
□缺而□絕望黃岑以俱峙其詞曰

星精旁啟漢津橫瀉山峙□□瀆流疎聖□處外薄戎夷或

□周德□昌□詩□□□□□□□□□□缺侮弱憲

彈魏侯趣士民□□望鄴有賢令夏景冬□□□率□□□

□俗□□□□□□□□□□□□□□缺存祀四時亡

哀百賻始聞賢烈終□明靈忻殫鼓舞□□牢桂□蘭味意

奠□□□□徒私□□□□□□□□缺人授手翼世□

居光宅漳右龍駒□蓋鳴笳駟牡□□層□載前載後容象

□肅節衛逾隆□□□□□缺天子赫赫□□存躬夏應

虞命舜受堯終洛泚文章河浮圖□會昌真貺居今陋昔咸

安陽縣金石錄卷一

秩報功□□□□□缺留金石□親藩幹□率依風毛

譯均美□□□缺雄謂神

中州金石記齊清河王高岳造西門豹祠碑天保五年立

正書在安陽城隍廟碑云使持節驃騎大將軍開府儀□

□司□州□□師清河王岳者齊書列傳云顯祖出撫晉

陽令岳以本官兼尚書左僕射留鎮京師天保初進封清

河郡王尋除使持節驃騎大將軍開府儀同三司宗師司

州牧蓋以此時立碑也明一統志云西門豹廟在府城北

大夫邨北齊天保年建碑刻尚存今碑缺年月太平寰宇

記云鄴縣西門橋齊天保五年僕射魏收為碑存焉則碑

是天保五年魏收所撰無疑碑故在豐樂鎮廟內知縣彭

某移於城隍廟中水經注云漳水逕武城南又東北逕西門豹祠前東側碑隱起爲字祠堂東頭石柱柱勒銘曰趙建武中所修也魏文帝述征賦曰羨西門之嘉迹忽逕睇其靈宇寰宇記又云鄴縣西門豹祠隋圖經云在縣東南七里北臨太平渠或恐碑移而祠基且將迷失矣趙建武石柱銘又非汝帖所載石趙鄴祠柱刻也其刻宋時猶存倘有好事者一訪之乎碑篆額云西門君之頌

案碑殘剝斷裂文詞句不相貫其叙西門君治鄴之跡有云口拒比周治申嚴察簪筆聽神民吏不敢兩欺口巫老沉姦口波浪頡頏蓋約舉史記爲文又叙生致尸祝之禮沒貽棠杜之思口壇表墓俎豆逾遠似因舊祠而加修之

安陽縣金石錄卷一

四

爲述其義如此碑稱太祖獻武皇帝世宗文襄皇帝者北齊書太祖紀所謂天保初追崇爲獻武皇帝世宗紀齊受禪追謚爲文襄皇帝是也高岳傳世宗崩顯祖出撫晉陽令岳以本官兼尚書左僕射留鎮京師天保初進封清河郡王尋除使持節驃騎大將軍開府儀同三司宗師司州牧並與此碑同則知碑立在天保初矣中州金石記據寰宇記鄴縣西門橋齊天保五年僕射魏收爲碑之文定爲天保五年魏收撰然高岳當天保五年亦加太保而此碑不書或文成於五年之前樂史據其立石時書之傳言留鎮京師又言司州牧高齊因東魏都鄴而循仍司州舊名故見於此也

西門君碑陰

碑正書

第一層

散騎常侍趙郡王州都郭海高□驃騎大將軍開府儀同三
 司尚書左僕射彭城縣開國公州都魏郡元韶缺平東將軍
 別駕從事史魏郡穆子容前將軍治中從事史魏郡鮮於□
 主簿魏郡高婆叢主簿廣宗潘僧度字子昱西曹書佐魏郡
 元稚英字委彥西曹書佐魏郡李天綱字天綱記室從事魏
 郡叔孫子慎字僧記室從事清河崔□□字公孺戶曹從事
 魏郡穆□賢字子□戶曹從事清河張乾威字□□金曹從
 事魏郡尉□□字文□金曹從事頓邱郡李□字普明祖曹
 從事魏郡陸子茂字道盛祖曹從事廣平游子珠字士瑜兵
 曹從事陽平路君元字公物法曹從事魏郡弓德隆字道□
 法曹從事陽平宋幼良字真部郡從事魏郡柳映僧蔭部郡
 從事魏郡薩廓子玄部郡從事魏郡□軍瑛長璠部郡從事
 廣宗□序元伯部郡從事清河□義繁隋部郡從事林慮皇
 甫□桃科部郡從事林慮□□景宣部郡從事清河傅穆景
 武部郡從事魏郡苟士忠季成部郡從事魏郡□景漢士昇
 部郡從事魏郡□子慎德節部郡從事司□□□□□

安陽縣金石錄卷二

五

第二層

□□□郡平□□□□□□□□□□□□□□□□
 □融子明□□□□□□□□□□□□□□□□□□□□

□□□□□襲修業□□□□□遠洪遵守從事□□□
□公傳守從事魏郡□宗靈紹守從事陽平王順孝章武猛
從事林慮王□□□武猛從事魏郡馮□□□武猛從事魏
郡緱文相□武猛從事淳于士彰□□武猛從事魏郡張宣
和文□武猛從事魏郡張孝通順和武猛從事魏郡柳士綽
洪朗武猛從事汲郡荀詡孤誕武猛從事頓邱竇長卿武猛
從事頓邱吳斐融邁武猛從事頓邱胡遵士尙武猛從事林
慮張則仲軌武猛從事林慮魏光暉卿武猛從事翊陽乘琮
三寶武猛從事翊陽梁琬子炎武猛從事陽平楊達公勸武
猛從事陽平繆淇難隨武猛從事東郡張興顯盛武猛從事
東郡賈順思□武穆從事廣平鄭昇懷進武猛從事廣平程
蘭和仲武猛從事北廣平呂和子穆武猛從事北廣平郭怡
克悅□□□事□廣平劉士□儁

第三層

□□□□□□□□□容武猛從事清河□□□德武猛從
事濮陽郭忻景悅武猛從事濮陽徐□叔達門下督□□□
□翻門下督程朔□□省事姜明思哲省事曹遵顯□錄事
王神元龜錄事延陵仲□□龜西曹掾□悅世忻西曹掾齊
習思義□室掾蓋穎元儁□室掾宗懿延貴□曹掾馮業洪
纂戶曹掾陰顥仲欽戶曹掾□文伯元達戶曹掾□□子
□戶曹掾劉□□遵戶曹掾□又□□戶曹掾鞠隆□
□□□戶曹掾張敬子欽金曹掾樊淵海金曹掾李遠伯□

租曹椽終士榮□租曹椽邢悅季□租曹椽馬伏阿□租曹
椽吳宣尙宣兵曹椽梁璋子暉兵曹椽林暉賓子□兵曹椽
賀安遠□□兵曹椽郝仲次□□兵曹椽閻華阿□□

第四層

曹椽□□□進兵曹椽崔業洪纂兵曹椽周景伯仁法曹
椽李崇讓遵義法曹椽□光貴顯法曹椽田臺遠見法曹椽
孟黑元烏法曹椽□□哲法曹椽□□□禮部郡椽侯遵
景順部郡椽聶貴崇和部郡椽石建長賓部郡椽馬峯吳邁
部郡椽吳禮長詢部郡椽杜彥市賓部郡椽張侍承賓部郡
椽衡遠延業部郡椽□□賓部郡椽靳寶士貴部郡椽閻
仲叔部郡椽郝蠻楚□主簿吏韓世□□主簿吏蕪□□□

安陽縣金石錄卷一

七

西曹吏杜穎□□西曹吏趙確□□記室史樂振暉□記室
史左修洪遵□曹史史穆景豈□曹史□蘭市奴□曹史解
景馥□□曹史翟會同止□曹史王質崇善□曹史□獻元
璋

第五層

戶曹□□□□□戶曹史傅思哲聲明金曹史侯□□元
□金曹史□□□□租曹史侯貴阿貴租曹史吳子政叔
侃租曹史馮沙門租曹史樂□阿弁□兵曹史綦略阿穎兵
曹史宋敬乾恭兵曹史張始阿元兵曹史王酉士高兵曹史
劉安元康兵曹史□□□兵曹史戴懷□□兵曹史楊良
□□法曹史謝叔□法曹史杜悅阿□法曹史馮纂遵□法

州都乃其疏穆子容見北史穆崇傳是時爲平東將軍別駕從事史亦可据碑以補史也

案碑陰載諸人題名稱州都者二人別駕從事史治中從事史者各一人主簿二人西曹書佐二人記室從事二人戶曹從事二人金曹從事二人租曹從事二人兵曹從事一人法曹從事二人郡從事十二人脩書百官志載齊制司州置牧屬官有別駕從事史治中從事史州都主簿西曹書佐記室戶曹功曹金曹租曹兵曹騎曹都官法曹部郡等從事員蓋以鄴爲司州其屬官並與史符又有武猛從事及門下督省事錄事西曹掾記室掾戶曹掾金曹掾租曹掾兵曹掾法曹掾部郡掾主簿吏西曹吏記室史

安陽縣金石錄卷一

九

造石螯門記

存正書嘉慶元年署臨漳令童巨挑漳河得之今移置郡

城

大齊天保八年九年造銅雀臺石螯之門百代之後見此銘者當復知之

將陳驥

軍副程顯

承婁晞

幢主孫悅

軍主董侯

幢主楊曇

案記稱大齊天保八年九年造銅雀臺石輦之門百代之後見此銘者當復知之北史文宣帝紀天保七年十二月修廣三臺宮殿九年八月甲戌行幸晉陽先是發丁匠三十餘萬人營三臺於鄴因其舊基而高博之大起宮室及遊豫園至是三臺成改銅雀曰金鳳金武曰聖應冰井曰崇光卽此記造銅雀臺所由也工始於七年而記斷自八年修建之令當七年十二月比徵作募役已越明年矣後列將陳驥承婁暉軍主董侯軍副程顯幢主孫悅幢主楊曇凡六人名皆完好

案漢書注師古曰隆穹所謂車輦今此記石輦之門始造門形同於車輦也釋名輦藩也蔽水雨也又集韻輦車上

安陽縣金石錄卷二

十

蓬也並可取証斯義

方法師鏤石班經記

存八分書乾明元年在善應村洹水北崖上

大齊天保元年靈山寺僧方法師故雲陽公子林等率諸邑人刊此巖窟髮像真容至六年中國師大德禰禪師重瑩脩成相好斯備方欲刊記金言光流末季但運感將移暨乾明元年歲次庚辰於雲門帝寺奄從遷化衆等仰惟先師依准觀法遂鏤石班經傳之不朽華嚴經偈讚定光如來明普照諸吉祥中最無上彼佛曾來入此處是故此地最吉祥十方國土勝妙華無價寶殊異香皆悉自然從手出供養道樹諸最勝一切十方諸伎樂無量和雅妙音聲及以種種衆妙

偈讚歎諸佛實功德盧舍邨佛惠無尋諸吉祥中最無上彼
 佛曾來入此室是故此地最吉祥大般涅槃經聖行品復次
 善男子菩薩摩訶薩聖行者觀察是身從頭至足其中唯有
 髮毛口齒不淨垢穢皮肉筋骨脾胃心肺肝膽腸腑生熟二
 藏大小便利涕唾目淚肪膏膈膜骨髓膿血膈脈諸脉菩薩
 如是專念觀時誰有我我為屬誰住在何處誰屬於我
 □□骨是我□骨是□菩薩□時降□皮肉□白骨
 復作□念是骨色相□□□□□□□□□□
 □□□□□□□□□□□□□□□□菩薩□□□
 □□□□□□□□□□□□□□□□時
 □□□□□□□□□□□□□□□□□□
 □□□□□□□□□□□□□□□□□□

□□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □□□□□□□□□□□□□□□□□□
 □上下悉皆青相如青色觀黃□鴿色亦復如是菩薩摩訶
 薩作是觀時眉間卽出青黃赤白鴿□□□菩薩於是一

一諸光明。見有佛像。見已。卽問如此身者。不淨。因緣和合。共成云何。而得坐起。行住。口。府仰視。瞬喘。息悲。泣喜。笑。此中無主。誰使之。今作是問。已光。口。諸佛忽然不現。復作是念。或。口。是我。故使諸佛不爲我說。復觀此識。次第生滅。猶如流水。亦復非我。復作是念。若識非我。出息入息。或能是我。復作是念。是入出息。直是風耳。而是風性。乃是囹大口大之中。何。口。是我。地惟非我。水火風性。亦復非我。復作是念。此身一切。悉无有我。唯有心風。因緣和合。不現種種所作事業。譬如咒力幻術所作。亦如筌篋。隨意出聲。是故此身。如是不淨。假衆因緣和合。共成。當於何處。而生貪欲。若彼罵辱。復於何處。而生瞋恚。而我此身。卅六物。不淨。臭穢。何處。當有受罵辱者。若

聞其罵。卽便思惟。以何音聲。而見罵耶。一一音聲。不能見罵。若一不能多。亦不能以是義。故不應生瞋。若他來。折亦應思。惟如是。折者。從何而生。復作是念。因手力杖。及以我身故。得名。折我。今何緣。橫噴於他。乃是我身。自招此咎。以我受是五陰身。故譬如。因的。則有箭中我身。亦今有身。有折我。若不忍心。則散亂心。若散亂。則失正念。若失正念。則不能觀善。不善義。若不能觀善。不善義。則行惡法。惡法。因緣。則墮地獄。畜生。餓鬼。菩薩。今時作是觀。已得四念處。得四念處。已。則得住於。勘忍地中。菩薩摩訶薩。住是地。已。則能勘忍貪欲。恚癡。亦能勘忍寒熱。饑渴。蚤蚩。風暴。風惡。觸種種疾疫。惡口。罵詈。搥打。楚撻。身心。苦惱。一切。能忍。是故名爲住勘忍地。偈讚我今

得見佛所得三業善願以此功德迴向無上道我今所供養
佛凜及衆僧願以此功德三寶常在世我今所當得種種諸
功德願以此破壞衆生四種魔我遇惡知識造作三世罪今
於佛前悔願後更莫造願諸生等悉發菩提心繼心常思念
十方一切佛復願諸衆生永破諸煩惱了了見佛性猶如妙
德等

右記載北齊鑿窟造像之始起天保元年靈山寺僧方法
師故雲陽公子林等又云至六年中國師大德稠禪師重
瑩修成相好斯備攷後唐重修古定晉禪院千佛邑碑引
集異記云魏時有大業僧凭戶巖邊有大稠樹木堅枝密
其僧將法衣徃樹欲掛其間忽爾開而集之儼然掩合神

安陽縣金石錄卷一

十三

力彌縫乃婚媾於二子後之人因號稠禪師之寺焉卽此
碑稱中國師大德者也稠禪師生地卽近於此其講法又
多在鄴故鐫經之迹皆其遺矣此記磨厓刻書最雄秀

法勲禪師塔銘

存八分書太寧二年正月天禧鎮永慶寺

雲門寺法勲禪師俗姓張氏源出南陽白水龔齋河東伊氏
縣人也割紫景明寺據邑鉅鏡蓋龍潛逆起翻翫入道之心
裁華輟繡驚飛出塵之意味仰七支捫禪照智派以散玉綺
麗變略之才清章雅韻妙會八音之響義摺真玄嗣依卯化
懷方擬物伺機情而卷舒移卯弊正駕風儀而偃草以聲罷
應影謝遷靈時季六十九臘太寧二年歲在壬午正月辛未

朔五日薨於雲門寺奉殯龍巖致使岫帶霜衣山被紫草
發啼逗谷鳥墜高林鐫石銘記芳傳不朽其辭曰

跨風誕應接物昇沉巨變莫測細入難尋形山匪秀量海非
深秘引山車說辨八音育同春日均潤過霽世羨若玉益物
如金聲輟雜會影託花林哀哉喪蔭羣方痛心悽雲雨四悲
木啼吟聊記豆韻百伐思欽

按法懃禪師銘載爲河東伊氏人伊當作倚又云據邑鉅
鑊當作鹿然此字從金自漢尹宙碑已然顧亭林金石
文字記謂其不當從金是也近錢少詹事證以廣韻鉅鑊
郡名後魏弔比干文碑陰有鉅鑊伯魏祐北史有鉅鑊郡
守元道龍又指顧氏未詳攷予終折以玉篇鉅鹿俗作鑊

當依顧氏之言爲有據又智作智儀作儀致作玦臘作臙
量作量悽作悽皆當時別體字書僧歿作薨更爲異文

憑法師塔記

存

案塔記正書在靈泉寺後山塔上橫列寶山寺大論師憑
法師燒身塔右側字微小題大齊河清二年三月十七日
憑法師者卽道憑也

大方廣佛華嚴經碑

存正書無年月在治西寶山

案碑新出土字畫無損減正面題大方廣佛華嚴經菩薩
明難品第六下書寺檀越主司徒公使持節都督瀛冀光

岐豐五州諸軍事瀛冀光岐豐五州刺史食常山郡幹東
安王崱獻東安王郡君楊左側面邊際題王世子假節督
岐州口軍事岐州刺史儀同三司左右直長大賢直內備
身口都督食廣州南陽峽城口縣幹海虞伯子彥第二子
通直散騎侍郎仲彥獻北史有傳以外戚貴幸爲瀛州刺
史皇建初封東安王太寧元年進位司空平高歸彥於冀
州還拜司徒此題結銜有司徒公規在太寧河清間矣封
東安王亦與史同而獻爲瀛冀光岐豐五州刺史則傳僅
書一瀛州刺史其從畧爲失實不可不以碑正之獻傳惟
載子產嗣位開府儀同三司較於此碑亦未詳其歷官又
碑言子彥傳誤彥作產碑尙有第二子仲彥傳亦不書若
獻食常山郡幹子彥食南陽峽城口縣幹此卽所謂以幹
祿榮之也隋書百官志載齊制諸州刺史守令已下幹及
力皆聽勅乃給其幹出所部之人一幹給絹十一匹幹身
放之當時食幹卽指此北齊常山義七級碑有食新市縣
幹集古錄以爲食縣幹入官銜其制不可詳失於詳考也
食廣州南陽峽城北齊地輿廣州之屬亦有南陽峽城訪
齊地形者可於斯按之直內備身隋志左右衛有內直備
身諸名此作直內備身與志文內直互易若云左右直長
大賢則史未載也

安陽縣金石錄卷二

五

西門豹祠碑

佚

水經注漳水逕武城南又東北逕西門豹祠前東側御隱起爲字

孫登石室藥方碑

佚

鄴乘孫登石室在縣西南四十八里熙寧中嘗有人得小碑於洞中刻藥方數十通

案藥方碑不知何代所刻据洛陽龍門有北齊藥方碑題武平六年疑此亦齊刻也方書足以濟度昔人患其傳之不備往往如此宋史范旻傳遷知邕州刻已奉市藥以給病者愈者千計復以方書刻石置廳壁得古仁者之遺意矣

隋

大住聖窟磨崖石刻

存正書在萬佛溝

大隋開皇九年己酉歲敬造窟用功一千六百廿四像世尊用功九百

盧舍那世尊一龕

阿彌陀世尊一龕

彌勒世尊一龕

三十五佛世尊三十五龕

七佛世尊七龕

傳法聖大法師廿四人

歎三寶偈言

如來定慧无边際神通廣大妙難思相好光明超世網故令
三界普歸依

法寶清淨如虛空善冢甚深无窮盡无生无滅无往來冢滅
離垢難思議

聖眾應真功德海斷滅一切諸諍泯滅之清淨无彳穢八種
功德福田偈

口口連口金如來壽量品口口偈言

自我得佛來所經諸劫數无量百千万億載阿僧祇常說法
教恍无數億眾生令人於佛道尔來无量劫爲度眾生故方
便現滄槃而實不滅度常住此說口我常住於此以諸神通

安陽縣金石錄卷一

七

力令顛倒眾生雖近而不見眾見我滅度廣供養舍利咸皆
懷戀慕而生渴仰心眾生既信伏質直意口口一心欲見佛
不自惜身命我時及眾僧俱出靈鷲山我時語眾生在常在此
不滅以方便力故現有滅不滅餘國有眾生恭敬信樂者我
復於彼中爲說无上法汝等不聞此但爲我滅度我見諸眾
生沒在於苦惚故不爲現身令其生渴仰因其心戀慕乃出
爲說法神通力如是於阿僧祇劫常在靈鷲山及餘諸住處
眾生見劫盡大火所燒時我此之安隱天人常充滿園林諸
堂開種種寶莊嚴寶樹多蔭菓眾人所遊樂諸天擊天鼓常
作眾伎樂雨曼陀羅華散佛及大眾我淨大不毀而眾見燒
盡憂怖諸苦惚如是悉充滿是諸罪眾生以惡業因緣口阿

僧祇劫不聞三寶名諸有修功德□□□者則皆見我身
在此而說法或時爲此衆說佛壽无量久乃見佛者爲說佛
難值我智力如是惠光照无量壽命無數劫久循業所得汝
等有智者忽於此生疑當斷令永盡佛語實不虛如醫善方
便爲治狂子故實在而言死无能說虛妄我亦爲世父救諸
苦患者爲凡夫顛倒實在而言滅以常見我而生憍恣心放
逸著五欲墮於惡道中我常知衆生行道不行道隨所應可
度爲說種種法每自作是念以何念衆生得入无上道速成
□佛身

案東魏武定四年道憑造大留聖窟此又仿其遺跡爲之
家與寂同見廣韻

安陽縣金石錄卷一

太

大隋車騎秘書郎張君之銘

存八分書開皇十一年正月今在縣學署

君諱景略燕州上谷人漢司空華之後也龍皇布護將相蟬
聯備諸圖史其可伊述祖驃騎大將軍第一領民酋長文城
公又遷燕州諸軍事燕州刺史考龍驤將軍諫議大夫奉車
都尉行濟安郡太守金鄉侯君質如披錦文彩燦然噐若珪
璋光輝朗潤於是弱齡表異聲振朝野欲止不能遂被徵辟
起家爲魏帝內侍左右尋遷秘書郎優遊鳳沼去來麟閣時
稱獨步實曰無雙又加車騎大將軍開皇十一年正月六日
寘口蠲德奄從運徃春秋六十有八以其月二十六日遷窆
於相州安陽河北白素曲未極丞相之年俄掩將軍之墓嗚

平哀哉乃爲銘曰

昔年慷慨拖紫垂青峴山漢水玉潤珠明何啻大運混我賢
貞一辟身世百代千齡

金石三跋祥符周君伯敷持是銘贈予云其從子岐東數
年前自安陽得之銘刻完好僅缺一二字其叙云君諱景
略燕州上谷人漢司徒華之後也漢宜作晉臨文疎莽皆
自晉魏以來士人馳騫詞章雖見聞近如晉事亦不考世
代至此又云騎騎大將軍第一領民酋長文城公又遷燕
州諸軍事燕州刺史考龍驤將軍諫議大夫奉車都尉行
濟安郡太守金鄉侯書歷官詳備然皆缺其名而不書使
後不可攷爲可惜也張君被徵辟起家爲魏帝內侍左右

安陽縣金石錄卷一

九

遷秘書郎加車騎大將軍以開皇十一年正月六日寔書
卒爲寔文亦僅見別體字煥作燮尋作尋寔作寔寔在相
州安陽河北白素曲

案誌載景略歷官起家爲魏帝內侍左右尋遷秘書郎又
加車騎大將軍而誌題稱大隋車騎蓋隋加是官也魏書
官氏志建國二年初置左右近侍之職無常員或至百數
侍直禁中傳宣詔命皆取諸部大人及豪族良家子弟儀
貌端嚴機辨才幹者應選又直內侍長四人主顧問拾遺
應對是誌言內侍左右卽史所云左右近史之職景略以
開皇十一年葬相州安陽河北白素曲元和郡縣志隋開
皇十年置安陽縣屬相州此誌當十一年故得仍重置安

陽之名河北白素曲誌石出於今安陽橋之北迤東隋白素曲卽屬此矣金石三跋以正月六日冥云書卒爲冥攷此誌冥非句絕當由見拓紙非善本致誤

慈明塔記

存

案記石正書磨崖刻在萬佛溝文云比邱諱慈明大隋開皇十四季十月五日終年二十九仁壽三年四月五日建塔口提以旌長代此記夾佛龕左右各四行行五字最精整

靜證法師碎身塔

存

安陽縣金石錄卷二

三

右塔記八分書鐫勒萬佛溝大龕兩旁文云故靜證法師碎身塔大隋開皇十四年建

王敬造像記

存

案此記正書磨勒現在萬佛溝最下東二洞文云彌勒世尊二菩薩像龕清信女王敬造無年代玩其字體齊隋間石刻也

造佛像磨厓

存正書無年月在治西寶山

案石刻中鑿大龕鑄諸佛像各爲注名書筆奇古不減漢人也又刻經文字有別體橫畫多作偃波魏齊諸石記類

此又有靈泉寺洞口及洞西邊沿厓鐫勒經文皆不具錄
鐫佛經石刻

存

案石刻無年代八分書字尤秀偉不減漢人

廿五佛名磨厓石刻

存

右石橫勒不書年代在寶山靈泉寺洞西首行書廿五佛
名後書大集經月藏分法滅盡品初言

大乘妙偈碑

存八分書在治西靈泉寺

案碑額篆書陰文凸起文云佛口口口大乘妙偈刊石千

安陽縣金石錄卷一

三

記怖見聞益法性凡十八字千疑當作阡省阜書之額下
小字經文不可悉辨正面背面俱完好鑽空題有州刺史
字又有大金甲午歲大定十四年寶山靈泉寺講經僧法
智名蓋後人題刻於此若碑書勢當在魏齊間也

妙法缺德品中言磨厓石刻

存

案石刻無年代橫鐫靈泉寺洞西最上層首行有妙法缺

德品中言字故据以標目書樛為樛貌為蕞筭為竿園為
蘭莊為莊數為數惡為惡忽為惚邊為邊臺為臺魏齊間
人書體多如是

殘造像記

存正書無年代在善應山

口口寺僧織口口口口將軍口惠通判口來證涅口永斷於
生死若能至心聽當得无量樂一切畏刃杖无不愛壽命怨
已可爲喻勿煞口行杖

案記已殘剝前題銜將軍字蓋爲刊記石者名不可見後
作五言句亦經偈之類也若云一切畏刃杖無不愛壽命
斯語亦得勝殘去殺宗旨矣

古大娘造像記

存

案記正書無年月在寶山文云佛弟子清信女古大娘陸
二娘合家同敬造阿彌佛隨佛觀世音菩薩大勢至菩薩一

安陽縣金石錄卷一

三

